

EDIYOM IKPIKPU ÑKPỌ ERERIMBOT

Ecclesiastes 1:1-18; 2:1-26

ỌYỌHỌ-UKPEP-ÑKPỌ 376

Eke Mkparawa

IKỌ IBUOT: “Owo eke akande eyeda ñkpọ emi enyene; ndien nyedi Abasi esie, enye eyenyuñ edi eyen Mi” (Eriyarare 21:7).

Akwa Idaha Solomon

Edi akpanikọ nte ke edidem Solomon ama enyene kpukpru ifiok emi akpanade nte owo enyene. Enye ama enyene kpukpru se owo ekpekerede ete ekeme ndinọ mmimọ inemesit. Enye ama enyene odudu. Enye ekedi edidem Israel ke ini emi inyene ye uforo okokponde akan ke mbuk uwem mmọ; ñko enye ekedi edidem emi enyenede odudu ndiwot me ndinim ikọt esie uwem.

Solomon ama enyene ifiok. Abasi okokot enye andinyene ifiok ñkan ke ofuri ererimbot. Ke ini enye ekedide edidem, enye akabat idem esie nte ekpri nsek-eyen, onyuñ ekere ete ke imọ idikemeke ndikara akwa otu owo ekewakde ntre. Edi enye ama ebeñe Abasi ifiok, ndien Abasi ama ọnọ enye. Etop esie ama asuana ke mme idut emi ekekande ekuk. “Owo onyuñ eto ke kpukpru mme idut edi ndikop ifiok Solomon, eto ke ọtọ kpukpru ndidem ererimbot eke ekekopde ebaña ifiok esie” (1 Ndidem 4:34). Enye ama ewet ediwak ñke ye ikwọ, “Enye onyuñ etiñ abaña eto, ọtọñode ke cedar emi odude ke Lebanon tutu osim ke hyssop emi otibede ke ibibene; onyuñ etiñ abaña unam, ye inuen, ye mme ọnyoñi, ye iyak” (1 Ndidem 4:33).

Solomon ama odobi ke inyene. Enye ekedi kiet ke otu mme owo emi ekenyenede ñkpọ ekan ke ofuri ererimbot. Sidibe (silver) eketie nte mme itiat ke efak. Enye ama “onyuñ enyene itie horse chariot esie tọsin aba, ye tọsin mbio horse duopeba” (1 Ndidem 4:26). Enye ama ọbọp ediye obio edidem ye iñwañ. Ke akpanikọ, sededi emi enye okoyomde enye ama ada ọnọ idem esie. Enye ama enyene kpukpru se enye okoyomde, edi kpukpru oro ikonohọ enye inemesit.

Edikpu

Solomon ama afiak edem ọkpọñ Abasi onyuñ odomo ndiyom uyuhọ nto inemesit ñkpọ uwem emi. Ñko enye ikayakke baba ñkpọ kiet ebe enye, edi ke ini enye ọkọsuhọrede ana ke okoneyo, enye eketie nte anam-idiok kiet ekededi emi odomode ndifehe ñkpọñ Abasi. Esit esie ama obiom enye ikpe. Uwem ama odorode enye. Enye ama etiñ ete “kpukpru edi ikpikpu ye idomo eke miwọrọke usuñ.” Enye ama etiñ akpatre ikọ ete ke utom kpukpru owo edi ndibak Abasi ndinyuñ nnim mbet Esie.

Nte Solomon okosuk akade iso ekpep ñkpọ abaña ererimbot, kpasuk ntre ke enye okokut mfina ke otu nditọ owo. Enye ama okut ukut mmọ emi mme owo ekefikde. Kpa ye oro ñko, ekeme ndidi enye eketie nte mbon eyo emi eke mikopke uyuhọ ke ndikpep ñkpọ. Nte mmọ ekade iso ekpep ñkpọ, kpa ntre ke mmọ ekut ete ke mmimọ ifiokke baba ñkpọ kiet. Mmọ edomo kpukpru ini ndisim ñkoñkoñ idaha eke odude ke iso, edi mmọ ikemeke ndisim.

“Edi eti ibuot emi otode ke enyoñ edi edisana ke mbemiso onyuñ etie emem-emem, onyuñ eme ime, awara ndikop mkpe-ubok, onyuñ ọyọhọ ye mbom ye nti mfri, edi se itode ofuri esit ye se minyeneke mbubik” (James 3:17). Oro edi oruk ifiok emi anamde owo okop inemesit, emi Abasi amade owo oyom.

Emem Iduhe Ke Inyene

Eyak nnyin ise ñkpọ ibaña inyene. Edieke okuk akpanamde mme owo ekop inemesit, ata ediwak mbon inyene ikpowotke idem mmọ. Owo kiet ama etiñ ete, iduhe owo inyene emi okopde inem ukot ñwed akan imọ, mme enye emi ekemedede ndise uyai ndise ñkan imọ. “Lindbergh ikemeke ndife ñkanare obio nnyuñ ñkop inemesit ñkan mi; mme eto ndaeyo mmọdo enọ mi ye afo, kpa nte ekedude enọ John Burroughs (ukpep-ñkpọ obot); Luther Burbank ikekopke inemesit ke mme ikpọ akai eto emi enye ọkọtode nte ñkekopde ñke emi ñkedepde ekpri eto kiet ntọ ke isọñ nnyuñ ntie nse nte enye ọkọride.” Andibuene ñkan ke otu nnyin ekeme ndikop inem ke mme ñkpọ emi ukem-ukem nte owo emi enyenede okuk, ndien anditiene-Christ ekeme ndikop inem ñkan oro ke ini enye ekerede abaña Abasi ke kpukpru se utom obot ọnọde nnyin.

Mme Mbet Ererimbot

Mme mfina owo ikemeke ndibiat se Abasi okobotde. Utin asiaha onyũ osop kpukpru usen nte ekedide ke eritõño ini, ndien ekõñ, akañ me ubon owo emi ekedude uwem enyũ ekpañade ke kpukpru emana toto ke eritõño ini ikemeke ndibioñ enye. Mme inyañ efehe ekeduk ke akpa, ndien mmõñ oto afiak õdõk ke enyõñ nte ntõñenyõñ, afiak akabare edim ewet okoduk inyañ. Ñwed Abasi etiñ ete ini utõ ye ukpeñe eyeka iso adaña nte utin, õfiõñ, ye ntanta-õfiõñ edude.

Owo amana, ndien ke ekpri esisit isua ebede, enye akpa. Se enye akanamde ke eyo uwem esie ekeme ndifina mme owo efen ke ñkpõ nte emana kiet me iba, edi sededi owo akanamde ikemeke nditimere se Abasi okobotde. Ndusuk ini enye ekeme ndibõp ikpõ ufõk, ye ukpehe mmõñ me ndisiak mme edik, mme ikpõ ñkpõ emi owo ekemedede ndinam, edi nnyin ikut ite õtõmbe kiet ekeme ndibiat kpukpru se ubõk owo anamde ke idaha kiet. Edieke odudu mikemeke ndibiat enye, ini ye mme ñkpõ eken eyenam mme ñwõrõ-nda ñkpõ emi owo akanamde etaha.

Ndusuk ini mme owo esin ifik enam ñkpõ man ewõrõ etop. Mmõ eyom eti mmimõ. Nnyin imokot ke Ñwed Abasi ibaña mmõ oro ekebõpde edikõñ-ufõk Babel man enyene etop eke edibighide. Mmõ ekedõhõ, “Ekam ayak nnyin ibõp obio inõ idem nnyin, ye edikõñ ufõk eke ibuot esie edisimde ke enyõñ, inyũ inam enyĩ inõ idem nnyin, mbak idisuana ke iso ofuri ererimbot” (Genesis 11:4). Nnyin imeti ndisime eke okodude ke ndibõp ufõk oro, edi anie õfiõk ñkpõ abaña mme owo emi ekebõpde enye efre ebaña mmõ ke ofuri iso ererimbot.

Ndusuk owo ema ndisaña ñka ñkani mme udi ñkokot se ewetde ke itiat udi. Ndusuk ini mmõ ekut inem-inem ñkpõ nte ewetde ebaña owo emi odude ke udi oro. Edi baba owo kiet itighe me enye ekedi anie. Enye ama odu uwem onyũ akpa, ndien mme emana ini iso edi ye obufa ekikere ye edu uwem. Esõsõp ndifre mbaña owo.

Adaña nte itiñde ñkpõ ibaña owo emi edide obuk ye iyip, idiõk ye eti owo edi ukem. Mmõ mbiba edu uwem enyũ ekpa, ndien efre ebaña mmõ. Mmõ inyeneke aba ifiõk ke udi.

Enyĩ Nnyin Ke Ñwed Abasi

Edieke usen uwem nnyin ke isoñ õmuhõde ntem, nso oruk owo ke nnyin ikpedi man ikeme ndinyene se idide akpan-ñkpõ, kpa nsinsi uwem! Etop nnyin eyebighi ke nsinsi edieke ewetde enyĩ nnyin ke ñwed uwem Eyen-erõñ. Edieke Abasi etide ebaña nnyin, inamke ñkpõ edieke efrede nnyin ke ererimbot emi. Uwem nnyin mi õmuhõ eti-eti, ima ikpõñ mi iyedu uwem ke nsinsi.

Oto ke mme ekõñ ye ukõbõ, ata ediwak owo ikemeke ndidu uwem nsim utit uwem mmõ. Mmõ ekpa ke ini uyen mmõ. Ata eyen Abasi õfiõk se enye akpade ebaña. Edieke anade nte enye õkpõñ uwem emi usõp-usõp, enye õfiõk ete ke imõ iditreke ndiduk ke Eti Isoñ. Enye enyene idorenyin ndisõp ñkut Jesus. Jesus eyenyũ ayara enye emi akpade ke ntak mbuõtidem anyanya uwem. “Edieke imede ime, iyeda ubõñ ye Enye; edieke ikañde Enye, Enye eyekañ nnyin” (2 Timothy 2:12).

“Owo eke akande eyeda ñkpõ emi enyene; ndien nyedi Abasi esie, enye eyenyũ edi eyen Mi” (Eriyarare 21:7).

Ke ini ikerede ebaña ubõñ emi Jesus onimde õnõ mmõ oro emade Enye, mme ñkpõ ererimbot emi idighe akpan ñkpõ aba. Ayak mmõ eken enyene inyene mmõ ye odudu mmõ ye ifiõk ererimbot. Nnyin ikere nte Abraham ekekerede, Enye ikenyeneke obio emi ekebighide mi, koro enye “odori enyin ke obio eke enyenede nsõñõ-nda, eke Andibõp ye Andinam Enye edi Abasi” (Hebrew 11:10). Ayak nnyin iñwana ndibe nduk ke obio oro!

MME MBUME

- 1 Odudu edidem Solomon okokpon didie?
- 2 Inyene esie akawak didie?
- 3 Tiñ esisit baña ifiok Solomon.
- 4 Nte inyene emi Solomon ekenyenede ama ọnọ enye inemesit?
- 5 Ini utọ ye idọk edibighi adaña didie?
- 6 Nso iditibe ye se ubọk owo anamde?
- 7 Nso ke nnyin idikeme ndinam man eti nnyin?
- 8 Anie edinyene “kpukpru nkpo”?